

Feira Franca

Os números

A prebenda do rei; 15 días antes ou 15 días despois de san Bartolomeu ha de haber franco mercado, as contas xustas para o fin do tempo de verán e franco de ledicia con impostos únicos á tristura. Os días 1 e 2 de setembro hai Feira Franca de números e contas na ilustre vila de Pontevedra.

Os seres humanos temos necesidade de contar. Así, dende a prehistoria aprendemos a base do dez, coma os dedos, para establecer ducias: unha ducia, dúas, tres... Aínda así nunca fomos quen de medir o intanxible en números, como se mide a paixón ou a ledicia?, canto é pouco ou moito amor?

Na Feira Franca ha de haber mercado libre: de unguentos, de flores, de feitizos; ha de haber xantares: de asados, de doces de convento, de viandas de pobres e de ricos e ha de haber bailes. Dende o amencer ata o solpor, a música anegará as rúas; os bailes acariñarán as pedras; haberá novos amores e antigos lumes vivos; haberá encontros e novas paixóns... Ha de haber artesáns de mans privilexiadas, zoqueiros de zapatos máxicos, xoieiros, creadores de obxectos misteriosos... Esperámoste na ilustre vila de Pontevedra; ha de haber Feira Franca. Contaremos personaxes máxicos, fadas, unha ilusión de nobres e xente do común, de bandidos e de frades. Non haberá medida para risas e abrazos; vente, a Feira Franca ha traer a ilusión; traerá luz, festa, amoríos.

Mariñeiros navegantes en mares de ardoras, valentes soldados de Monterrei, de Vimianzo, de Soutomaior, moursas de Tras os Montes, sereas de Fisterra, cabaleiros de Santiago, estraños buscadores de tesouros, xograres namorados; doncelas valentes, coraxudas, libres han de vir. Vente, imos regresar ao pasado, imos festexar a vida. Vente, das terras altas, do alto Umia, da comarca do Sar, das terras do Salnés, da península do Morrazo; vinde cabaleiros e ilustres damas de Xeve, da Canicouva, de Bora, de Mourente; vinde todos os de Ponte Sampaio, os da comarca toda.

Vinde, hai Feira Franca na ilustre vila; agardámoste. Contemos entre todos a festa pura, a ledicia do compartir, comecemos a conta atrás para o próximo festexo!



Festa de Interese Turístico de Galicia

XXII

Feira Franca. Programa 2023

Venres 1 de setembro. **Xornada inaugural**

19.00 h **Pregoeiros a cabalo** anuncian o comezo da XXII edición da Feira Franca polo centro histórico.

22.00 h Espectáculo **Os números** a cargo da compañía *Pablo Méndez Performance* na Ferraría.

Sábado 2 de setembro. **Día da Feira Franca**

11.30 h **Apertura do mercado medieval** (avda. de Santa María) e da **mostra de oficios** (prazas da Ferraría, da Pedreira e do Peirao).

11.30 h **Música medieval**. *Trobasóns*, centro histórico.

12.00 h **Recreación do transporte do viño** pola *asoc. Recreativa de Xeve, A Xanela do Maxín, Troula*, animación; *Duos Pontes*, música; representacións...

Percorrido: rúas de Santa Clara, Sarmiento, Pasantaría, praza da Ferraría e remate na praza da Peregrina.

12.30 h **Cantar de cego e música medieval** a cargo de *Pola Vila* polas rúas do centro histórico.

12.30 h Demostración e obradoiros de **esgrima**. *Escola Hungaresa*, Montero Ríos.

13.00 h **Grupo de animación**. *As Lendas do Camiño do Bruxo do Lerce*.

13.00 h **Tiro con arco**. *Boa Vila*, Montero Ríos.

13.30 h **Cetraría**. *Falcóns Galicia*, Montero Ríos.

17.00 h Demostración e obradoiros de **esgrima**. *Escola Hungaresa*, Montero Ríos.

17.30 h **Gran torneo medieval**. *Hípica Celta*, praza de touros. Entrada de balde ata completar a capacidade; polas portas 2, 3 e 6.

17.30 h **Animación medieval**. *Olodum do Coio*.

18.00 h **Cantar de cego e música medieval** a cargo de *Pola Vila*, centro histórico.

18.00 h **A Galia dos Ovos de Ouro**. *Art Monium*, centro histórico.

18.00 h **Os bufóns**. *Troula*.

18.00 h **Música e bailes medievais**. *Asociación de Coros e Danzas Duos Pontes*, praza da Peregrina.

18.30 h **Tiro con arco**. *Boa Vila*, Montero Ríos.

18.30 h **Grupo de animación**. *As Lendas do Camiño do Bruxo do Lerce*.

19.00 h **Cetraría**. *Falcóns Galicia*, Montero Ríos.

19.30 h **Pasacalles**. **Bufóns Medievais**. *Art Monium*.

20.00 h **Gran torneo medieval**. *Hípica Celta*, praza de touros. Entrada de balde; portas 2, 3 e 6.

20.00 h **Grupo de animación**. *As Lendas do Camiño do Bruxo do Lerce*.

21.00 h **Música medieval**. **Cantares de cego**.

21.45 h **Pasacalles**. **Errantes**, centro histórico.

22.00 h **Pasacalles**. **A Santa Compañía**, *A Xanela do Maxín*.



Concello
de Pontevedra



Plano medieval de Pontevedra · Espazos da Feira Franca

Ambientación a cargo da Escola Paspallás

1. Praza da Ferraría 2. Praza da Leña 3. Praza do Teucro [azougue] 4. Praza de Curros Enríquez [antigo hospital de san Xoán de Deus] 5. Praza da Pedreira 6. Praza da Verdura [feira] 7. Praza de Méndez Núñez [campo da herba] 8. Teatro Principal [antiga igrexa de san Bartolomeu] 9. Igrexa de Santa María 10. Paseo de Santa María [lampán dos xudeos] 11. Ponte do Burgo 12. Avda. de Santa María [eirado das torres] 13. Xardíns de Casto Sampedro 14. Avda. de Montero Ríos 15. Praza de Touros 16. As Palmeiras 17. CITA [torres arcebispaís]

Centro de Interpretación das Torres Arcebispaís

Imaxinaste como foi a Pontevedra da Feira Franca? No CITA poderás coñecela.

Fogos para nenas e nenos

CASTELO AVENIDA DA RAÍÑA VITORIA

De 11.00 a 21.00 h Carruseis medievais para a cativada.

De 12.00 a 14.00 e de 16.00 a 20.00 h Circuito de xogos.

SOPORTAIS DA PEDREIRA

De 12.00 a 14.00 e de 18.00 a 20.00 h Obradoiros creativos.

De 12.00 a 14.00 e de 18.00 a 20.00 h Ludoteca medieval.

PRAZA DE ESPAÑA

De 11.00 a 21.00 h Carruseis medievais para a cativada.

A partir das 12.00 h Campamento medieval.

Embarcacións tradicionais. Río Lérez

Concentración de embarcacións tradicionais.

Entre as pontes do Burgo e das Correntes.

Guía de actividades fixas

Asoc. Recreativa Xeve. Representación da comitiva do transporte do viño (mercadores, labregos e arrieiros). O grupo irá escoltado polos gardas do antigo couro de Xeve, encabezados polo señor do pazo de Gondar.

Asoc. de Coros e Danzas Duos Pontes. Espectáculo de danza e música (Peregrina). Taberna medieval (parte posterior da casa do concello).

Club Boa Vila de Tiro con Arco. Demostración de tiro con arco e competición. Gran Vía de Montero Ríos.


A.VV. Salcedo Norte. Xantar e cea medieval acompañados de xogos tradicionais. Xardíns de Casto Sampedro.

Asociación Alba (asoc. de familiares e amigos de axuda a enfermos psíquicos). Obradoiro de olaría. Ferraría.

Ventos. Taller de xoiaría vexetal e escritura. Ferraría.

Federación Galega pola Cultura Marítima e Fluvial –

Culturmar. Concentración de embarcacións tradicionais de Galicia no río Lérez, entre as pontes do Burgo e das Correntes; mostra de embarcacións tradicionais e *attrezzo* mariñeiro.



Mercados medievais

Mercado de ALIMENTACIÓN. Alameda, praza de España, soportais da Ferraría, Pasantería e praza de Curros Enríquez.

Mercado de ARTESANÍA. Avda. de Santa María.

Mercado de demostración de OFICIOS e OBRADOIROS. Prazas da Pedreira, da Ferraría e do Peirao. Toneleiro, talleiros, oleiro, latoeiro, redeiras, palilleiras, tecedeiras, canteiros, cesteiro, ferreiros, carpinteiro, torneiro de instrumentos, curtidor de peles, tallista, artista ferreiro, carpinteiro de ribeira...